


Shiḽwa sha Moyo



Nkūmi

(Agosti)

Nghīlī na mīmbo ga

Kwisagīja gwa ng'wa
Mulungu [2]

mu Kisukuma

(Mistari na nyimbo kwa Kisukuma
kuhusu Ahadi za Mungu [2])



Lūshikū 1-31



I

Nanghwe ū Mulungu wa mhola
akūng'wangūhila, antobagūlile kū sīlīlī ya
mhambala jing'we ū Shetani. Shigongo sha
ng'wa Seeba wise Yesu Kilisto shibize hamo
ning'we. Alichene.

Balumi 16:20

Seba wiswe alī Ibūngīlo,
Ipilinga litalashila;
Ngunani mu makoye gīhūya
Lya ndwala jitūpīndīlile.
Īkī ū Shetani, ng'wanishi wa kale,
Wa nguzu ningī no, na būkolwa wingī,
Akūkobaga kūtūpyena.

121.1 Seba Wiswe Alī Ibūngīlo

Bwana Yesu Kwetu Ngome (Sifa #42)
(A Mighty Fortress)



2

Kūtaali kūng'wizīla kūgeng'wa, ūlū tītī
gīt'ūmo kūkabizīlaga banhū na kale. Kwike ū
Mulungu alī ng'wishigwa no, atīko ū
kūmulekanīja mugeng'we kūtinda ūmo būlī ū
būdūla wing'we; alīyo ū mu kūgeng'wa
kwenūko, akūbeeja nī nzīla ya kūpīlīla,
mudūle ū kwiyūmīlīja.

I Bakolinto 10:13

Kūgeng'wa kwingī kūlī ho,
Kwanigema gwa,
Ūyo akapyena shose,
Akūndindaga.

*Akūndindaga makanza gose;
Seba wa nguzu jose, akūndindaga.*

168.1 Kūgeng'wa Kwingī Kūlī Ho
(He Will Hold Me Fast)



3

Ū wei īkī akaluha aho akageng'wa, hū kūhaya
adūgije kūbagunaana abo bakūgemagwa.
Bahebulania 2:18

**Nakūzunya Bebe lelo,
Niyinha mu nkono gwako,
Ūndinde na kīgongo no,
Nipīje ūmo ndī.**

*Nipīje ūmo ndī,
Nipīje ūmo ndī,
Miringa gike gūnoja,
Nipīje ūmo ndī.*

81.4 Yesu Seba Nakwitana
(Take Me as I Am)



4

Hūna lūūlū idohyagi ū kŭlī Mulungu, alīyo ū
Shetani nghanġjagi, akūmupeela.

Yakobo 4:7

**Mŭlī Yesu nakūpyena,
Nguzu jīlī ho,
Ū We wa būdŭla bose,
Akūndindaga.**

*Akūndindaga makanza gose;
Seba wa nguzu jose, akūndindaga.*

168.2 Kūgeng'wa Kwingī Kŭlī Ho
(He Will Hold Me Fast)



5

Ū wa kūpyena nakūnzunīlīja kwigasha hamò
nane a h'Isumbī lyane lya būtemi; gīt'ūmo nū
nene nalī mpyeni na nigashije hamò na Baba
h'Isumbī lyakwe lya būtemi.

Kūkundūlīlwa 3:21

Ayīsuge mioyo yose pye,
Īkī alī Mpyeni wa shibi,
Kūlwakwe niswe tūlapyena,
Tūnkūje welelo.

*Tūlankūja, tūlankūja,
Ū mu nzengo ng'wela tūnkūje,
Tūlankūja ū We
Ntemi wa batemi.*

60.3 Nkumīlīji, Nkūjagi Ntemi
(Crown Him King)



6

Na benabo abalī ba masala balang'we-
kang'weka gītī būlabangīzu wa īgūlū, na
benabo abakūbagalūchaga bingī kūlondela ya
būtūngīlīja balang'wekang'weka gītī sonda
kūshisha kū welelo na welelo.

Danieli 12:3

**Ndī na shizwalo shing'wekung'weku nīyo,
Shilīnilindīla ng'wikūjo ūko,
Nalashanukūla aho ndashika kwene,
Nū bebe, ndībūja, ūlashisanga?**

*Nalīkūlombela, nalīkūlombela,
Nalīkūlombela ūmane We Mpīja.*

204.3 Nalī Na Mpīja Alīlomba Ng'wigūlū
(I Have a Saviour, He's Pleading in Glory)



7

Nitanage Nene, nane nakūkwidīka, nane
nakūkolekeja mihayo mitale, milambu īyo
ūtayimanile.

Yeremia 33:3

Lelo hū lūshikū lwa kūlekana na shibi,
Īkī Yesu washikile ū mu mioyo yiswe.

*Kūyega mu moyo kūtale no
Ū Yesu washikile kū mioyo yiswe.*

Alī haha moyo gwiswe gūleke na būbi,
Ī likanza lya lūshilo lyegelaga kū sī.

136.1,2 Lelo hū Lūshikū Lwa Kūlekana Na Shibi



8

Hūna lūlū bang'wise, batogwa bane; ɪmɪlagi
muhandatile, yaya ū kūtinginyiwa.

Gūtūmamagi gwa-gwa-gwa ū nīmo go ng'wa
Seeba, nīyo komeelagi no-no-no; managi gīkī
ū būnoge wing'we bŭtī bo dalali ū kŭlī Seeba.

1 Bakolinto 15:58

**Tŭlī bishigwa mu nīmo gwakwe,
Yose walagīlile?**

**Ī mhela tŭkŭyībona ni kī,
Aho Yesu aliza?**

**Angu, ng'wichane, ūlī tayali,
Wamalīla kŭja ko?**

**Kŭ kaya yiswe ng'wigŭlŭ ūko,
Angŭ, ūnindīlile nghana?**

28.3 Aho ū Yesu Aliza Hangī

Atakaporudi Tena Yesu (Sifa #115)

(When Jesus Comes)



9

Alīyo ū wa kūshilola chiza ī shilagīlo sha
wiyabī ī shishikanu, hūna ūshimīnzīla musho
akūshishikīlījaga, ūbiza atī wa kūgelela
kwigwa dūhū na kwība, ū munhū ng'wenūyo
akūbiza na mbango ū mu īyo akwīyītaga.

Yakobo 1:25

Ūlū tūlondela mhayo gwa Mulungu,
Būyegi būtale būlī ho,
Ūlū tūng'wigwa We mu mihayo yose,
Tūlabīza na mhola ningī.

*Nsanyage We,
Ng'wigwe mu yose pye,
Nzīla yīngī ītī ho
Ya kwikala mhola.*

139.1 Ūlū Tūlondela Mhayo

Namwandama Bwana (Tenzi #17)
(Trust and Obey)



10

Ū kwisagīja kwa ng'wa Mulungu ata-
kwi ganikile mu mahane-hane, aliyo ū kūzunya
kūkanguzunhya, ūng'winha ikūjo ū Mulungu.
Nguno walī amanile gīkī, ū Mulungu adūgije
kūgwita ūyo walī wang'wisagīja; h'ī nguno
yene akabalīlwa bütūngīlīja.

Balumi 4:20-22

**Nalīhandīkīla ha Mhayo gwakwe,
Kūshisha welelo nalīnkūja We,
Nakūng'wīmbīlaga hangī mu mīmbo,
Nalīhandīkīla ha Mhayo.**

*Nghana, nghana,
Nalīhandīkīla ha Mhayo gwa Yesu,
Nghana, nghana,
Ndīhandīkīla ha Mhayo gwakwe.*

157.1 Nalīhandīkīla Ha Mhayo Gwakwe

Nazishikilia Ahadi Zake (Sifa #29)

(Standing on the Promises)



II

Namanile hape gīkī ūyo wandya nīmo
gwawiza ū mu bing'we akongēja kūgwīta
kūshisha kū būkalīkījo, ū mu lūshikū lo ng'wa
Kilisto Yesu.

Bafilipi 1:6

Aho ndamalaga milīmo pye,
Natwalwe nanghwe ū Mpīja Yesu,
Būyegi wane welelo bose
Būlabī gīkī, kūmona Mpīja.

*Būyegi no, būyegi no,
Būyegi no, būyegi no,
Aho ndamona ng'wikūjo lyakwe,
Nghana būyegi būtale, nīyo.*

212.1 Aho Ndamalaga Milīmo Pye
(When All My Labours and Trials are O'er)



12

Nguno ū Mulungu akūtūmamaga ū mu
bing'we, hū ng'wene ūyo akūng'winhaga
būkalalwa, hamò na būdūla bo kwīta īyo
yīnyegije.

Bafilipi 2:13

**A bako kūfuma kale
Bakwishigwa Bebe,
Ī nguzu jako jigela
Kū bana bako pye.**

45.2 Mulungu Kīganga Chiswe
Mungu Ndiye Mwamba Wetu (Sifa #10)
Mungu Msaada Wetu (Tenzi #68)
(O God, Our Help in Ages Past)



13

Ūlū tūshitambūla ī shibi shise, ū wei
ng'wene nsanyiwa, hangī ntūngīlīja, akū-
tūlekeja ī shibi shise na kūtweja gete
twīnge ū mu bŭhūbi wise.

I Yohana 1:9

**Seba, nakūkoba,
Mpīna nene,
Kūgeng'wa kwingī no,
Unigune.**

**Yesu, ūlī na nguzu
Kūshipyena shibi,
Seba wa nguzu jose,
Nakūsanya.**

75.1 Seba Nakūkoba

Nina Haja Nawe (Sifa #23; Tenzi #11)
(I Need Thee Every Hour)



14

Alīyo ūlū tūshimīzīla ng'wisana gīt'ūmo wei
alī ng'wisana, tūkūbiza na būsangī bise
benekīlī na benekīlī, hūna a mininga ga
Ng'wana wakwe ū Yesu Kilisto gakūtweja
twīnge ū mu shibi shise pyī ī shose.

I Yohana 1:7

Ūlū tūshiminza mu isana lyakwe,
Gītī Yesu ali ng'wisana,
Tūlī na būsangī hamo nanghwe Yesu,
Hangī na bazunya bose pye.

*Nsanyage We,
Ng'wigwe mu yose pye,
Nzīla yīngī ītī ho
Ya kwikalā mhola.*

139.2 Ūlū Tūlondela Mhayo

Namwandama Bwana (Tenzi #17)
(Trust and Obey)



15

Baana bane, ī yenīyī nalīng'wandīkīla gīkī
mutizīīta shibi; alīyo ūlū munhū wīta shibi
tūlī na Nombeji ū kūlī Sīswe, ng'wene Kilisto
Yesu ū ntūngīlīja.

I Yohana 2:1

Ūlū tūlī na makoye
Nūlū būpīna wingī,
Tūlekage kūgwa ngholo,
Tūng'wīle mhayo gose,
Atī ho ngūnanī ūngī
Wa nguzū gītī Yesu,
Mūcha wa makoye gīswe
Ayo gatūlūhaja.

130.2 Tūlī Na Ndūgū Wa Nghana
Yesu Kwetu Ni Rafiki (Sifa #36; Tenzi #9)
(What a Friend)



16

Batogwa, ī haha tūlī baana ba ng'wa
Mulungu, kwike gūtaalī ū koolechiwa hape
ūmo tūkūbizīla; alīyo tūmanile dūhū gīkī ūlū
oolechiwa tūkūbiza gīt'ūmo alī ū wei, nguno
tūkūmona ūmo alī gete.

I Yohana 3:2

**Mu miso gakwe, kīgongo!
Nalabiza gītī We,
Mu bütūngīlīja wakwe
Ndazwalīchiwa nene.**

*Būshū wakwe nalabona,
Ū būshū wikūjo no,
Aho ndaja kūnsūng'anha,
Higūlya kwinunga no.*

181.3 Mu Miso Mpīja Wane
(Face to Face)



17

Ali lūlū, ū kūsanya ūko tūlī nako kū būtongi
bokwe kūlī gīkī, ūlū tūnomba mhayo gose-
gose ūyo gwizunīlīgije nū būtogwa bokwe,
akūtwigwa.

I Yohana 5:14

Lombaga ītalī dilū, lombaga na līmi;
Lombaga nūlū mhīndī, lombaga būjikū.
Na moyo gwane gose, sha mu si shīngile;
Nsanye Yesu, wīnja giiti,
Lombaga shikū jose.

67.1 Lombaga Ītalī Dilū



18

Ntūūlīlagi we pyī ū kūzwangana kwing'we,
nguno amudīlīlīle no.

I Petelo 5:7

**Walemelwa kūpandīka mhola mu sī ūmu mo;
Nzūgū lelo kūlī Yesu, akūkwinha kwifula.**

Hahīyī, hahīyī, nzūgū kūlī Yesu, nzū!
Hahīyī, hahīyī, nzūgū kūlī Yesu, nzū!

202.3 Aho Tūlīkulombela
(Why Not Now)



19

Nguno ū Mulungu atatwinhile moyo gwa booba, alīyo gwa būdūla na būtogwa na masala madeekanu.

2 Timoteo 1:7

**Kūfūma kale Ndīmi akanikobaga,
Nalī njimīji gete, na nghūnga mu moyo,
Waaninja mu wanīshī pye,
Nabīze ng'wana kūlī We.**

***Ū būtogwa wakwe! na mīnīnga gakwe!
Na kīgongo chakwe chīngī no!
Nakūnūmba shīkū welelo.***

50.1 Kūfūma Kale Ndīmi

Tangu Zamani Mchunga (Sifa #72)
(Oh the Love that Sought Me)



20

Nadeebile ūyo nansanije, hama namanile
hape gīkī adūgije kūshilanghana īsho
nashibīka kūlī we, kūshisha lūshikū lwenūlo.
2 Timoteo 1:12b

**Shītwa sha munhū wa kale
Shīlī na nguzu,
Alīyo shītūnīpyena,
Akūndindaga.**

*Akūndindaga makanza gose;
Seba wa nguzu jose, akūndindaga.*

168.3 Kūgeng'wa Kwingī Kūlī Ho
(He Will Hold Me Fast)



21

Ū Mulungu wane akūng'winha pyī t̄yo
t̄ng'wigeleelilwe kūbiza nayo gīt'ūmo būlī
būsabi wikūjo lyakwe mulī Kilisto Yesu.

Bafilipi 4:19

**Shose wagayiwa akwinha,
Akūkūlinda gete,
Atalalema kūlomba pye,
Akūkūlinda mo.**

*Akūkūlinda gwa,
Shikū jose, mu nzīla pye,
Seba akalindaga,
We akūkūlinda gwa.*

205.3 Ūtizogaha Banishi Pye

Usiogope Maadui (Sifa #50)
(God Will Take Care of You)



22

Ning'we mulanikoba, na kūnibona, aho
mulanikoba na ngholo ying'we yose.

Yeremia 29:13

**Nzū kūlī Yesu, ūpījiwe;
Wakomolilwe mpango ntale,
Mininga gakwe gūsela ko, ūbone kīgongo.**

*Kūlabi kūyega ng'wigūlū,
Aho bakwe balashika ko;
A bela bose būng'wīmbīla īkī bapījiwa.*

92.2 Nzū Kūlī Yesu

Twende Kwa Yesu (Sifa #167; Tenzi #38)

(Come to the Saviour)



23

Ali lūlū, ū kālī we ūyo adūgije kwīta bŭlī
mhayo mu nzīla ya bŭdŭla bo katŭmamīle
kakwe, kŭkīla ūmo kalombele kise kalī, nŭlŭ
ūmo tŭkiganikīlaga.

Baefeso 3:20

Yesu wadŭla kwīta yose
Īyo tŭkŭnombaga,
Hangī kŭtinda ĩyo yose,
Kŭlwa bŭdŭla wakwe.

12.4 Yesu Wadŭla Kŭtŭpija

Yesu Aweza Kuokoa (Sifa #80)
(Love Divine, all Loves Excelling)



24

Nguno ū Seeba ng'wenekilī akwiza kūfuma
ng'wigūlū n'ilaka itaale lya kūlagila, ilaka lya
ng'wa malaika ntaale, n'ipembe lya ng'wa
Mulungu; hūna abo baachīla mulī Kilisto
bakūtonga ū kūjūuka.

1 Batesalonike 4:16

**Lūshikū lūmo alashoka hangī,
Ng'wikūjo lyose na magaka pye,
Aho aliza na badūgū bose,
Mpīja wikūjo, u Yesu wane.**

***Mpanga waanhogwa, mfu ūnhyītila,
Njikwa ūtwala shibi shane pye,
Wanhūngīlīgīja aho ūjūka,
Aliza hangī nikūjo gete.***

239.5 Kale Būlūmbi

Siku Ya Mbingu Kujawa Na Sifa (Tenzi #94)
(One Day When Heaven)



25

Ha numa nise abo tūkūsangwa tūtaalī tūlī
bapanga, tūkūhwehulwa hamo nabo tūje mu
malunde kūjūmanhīja kwigūlya nū Seeba.
Hūna tūkwikala nanghwe ū Seeba welelo
bose.

1 Batesalonike 4:17

**Aho Yesu Seba wiswe alashoka ho hangī,
Na lūshikū lwa būyegi lūshika,
Aho bakomolwa bakwe babilingwa ko nanghwe,
Nene nalabiza ko hamo nabo.**

*Nalabiza hamo nabo
Aho alitana bakwe,
Būyegi būtale nīyo!
Nene nalabiza ko hamo nabo.*

174. Aho Yesu Seba Wiswe Alashoka

Bwana Yesu Atakaporudi (Sifa #114)
(When the Roll is Called Up Yonder)



26

Ni nani ūyo alī Mulungu gītī Bebe, Ūyo
ūkūlekejaga bāhūnga, na wa kūbītītīla
būsobya wa būsago wa wingīji wakwe? Ūyo
atabīkaga njīmba ya būkālī wakwe welelo
bose, tīkī Wei alī nyegeji wa kīgongo.

Mika 7:18

**Mpīja wiswe ū Yesu,
Wanukūla bose pye,
Ba shibi na bahūnga,
Nzūgwī, Yesu wahaya.**

***Tūmagi nghombe hose pye,
Yesu Seba wabitana
Ba Shibi na bahūnga,
Nzūgwī, Yesu wahaya.***

214.1 Mpīja Wiswe Ū Yesu

Yesu Anawaita Wakosa (Sifa #166; Tenzi #32)
(Sinners Jesus will Receive)



27

Nīyo ū Seeba akongeja ū kūnipīja kūfuma
mu būlī nīmo gwabūbi, na akūnishisha mhola
ū mu būtemi bokwe ū bo ng'wigūlū. Ikūjo
libize kūlī we welelo na welelo: Alichene.
2 Timoteo 4:18

Yesu wadūla kūtūpīja
Kūshisha ngelo yiswe,
Īkī akwikalaga mpanga
Kūtūlombela biswe.

*Būdūla wa Yesu Kristo,
Būdūla būtale no --
Būdūla wakwe wilonga
Kū abo abansanya.*

12.1 Yesu Wadūla Kūtūpīja
Yesu Aweza Kuokoa (Sifa #80)
(Love Divine, all Loves Excelling)



28

Nguno tūtī na Ngabīji Ntale ūyo
atabūmanile ū būgokolo wise, ĩkī nanghwe
akageng'wa mu būlī mhayo gīt'ūmo
tūkagemelagwa a bise, kwike ū wei atītīle
shibi.

Bahebulania 4:15

**Yesu wadūla kūtūguna
Mu kūgeng'wa kwiswe pye,
Īkī walī ūgeng'wa mu sī
Gītī biswe tūgeng'wa.**

*Būdūla wa Yesu Kristo,
Būdūla būtale no —
Būdūla wakwe wilonga
Kū abo abansanya.*

12.2 Yesu Wadūla Kūtūpija

*Yesu Aweza Kuokoa (Sifa #80)
(Love Divine, all Loves Excelling)*



29

Hĩ nguno yene adũgije kũbapĩja gete abo
bakwizaga kũlĩ Mulungu mu nzĩla yakwe,
nguno alĩ mpanga welelo bose, gĩkĩ abize
Nombeji wabo.

Bahebulania 7:25

Tũlĩ na ndũgũ wa nghana,
Lina lyakwe ũ Yesu,
Alĩ hamo na Mulungu
Kũtũlombela biswe,
Ūlũ tũpyenwa na shibi,
Tũntambũtilage We,
Tũkũlekejiwa shose
Kũlwa mininga gakwe.

130.1 Tũlĩ Na Ndũgũ Wa Nghana

Yesu Kwetu Ni Rafiki (Sifa #36; Tenzi #9)

(What a Friend We Have in Jesus)



30

Pye a banhū gūtabayejaga ū mhayo gwa
kūhūgūlwa ū ng'wikanza ilo gūlītūmama,
nguno gūkaminyaga; alīyo ū kū shīkū ja kū
būtongi gūkatwajaga matwajo ga mhola na
būtūngīlīja, ū mu banhū abo bakilanganga
kūfuma mugo.

Bahebulania 12:11

**Ī nzīla yako ndambu nīyo no?
Nolage We Yesu,
Akūkūyeja īkī alī mo,
Nolage We Yesu.**

*Nolage We Yesu, nolage We Yesu,
Atī ho ūngī wa kūkūyeja, nolage We Yesu.*

211.3 Ūlū Mu Shibi
Je, Umechoka (Sifa #133)
(Look to the Lamb of God)



31

Ū Yesu Kilisto ataali kūgalūka; ūmo wali igo-
lo h'ūmo alī nī lelo, kūshisha welelo na wele-
lo.


Bahebulania 13:8

**Mhay'ūyū gwene nonu gete kū bazunya pye,
Yesu ng'wene atūgalūka shīkū ja welelo;
Nūlū lelo alībapīja balwīle bingī no
Na bapīna ūbalūngūja, gītī kale ho.**

***Lelo, ntondo, welelo bose, ū Yesu akūjiwe!
Shose shingī shikagalūkaga, ali yaya We!
We akūjiwe! Atagalūkaga.
Shigalūke, ū Yesu yaya! We akūjiwe!***

195.1 Mhay'ūyū Gwene Nonu Gete

Neno Hili Ni Zuri Sana (Sifa #8)
(Yesterday, Today, Forever)



Wasaidizi: M. B. Luhaga, M. S. Masanagulilo,
G. M. Bundala, M. S. Ipimilo
Mratibu msaidizi: S. Nkoma Ngallaba
Mratibu na mhariri: N. Glock
Mchoro katika kitabu hiki: I. D. Mashauri (IKIGO)

Nkūmi
(*Agosti*)
Nghĩĩĩĩ na mĩmbo ga
Kwisagĩja gwa ng'wa
Mulungu [2]
mu Kisukuma
(*Mistari na nyimbo kwa Kisukuma*
kuhusu Ahadi za Mungu [2])

Mistari ya Agano la Kale imetolewa kutoka
Shandikwa Shela Sha Mulungu
ishilikwa giki *Biblia* ©1960
Mistari ya Agano Jipya imetolewa kutoka
Ilagano Ipya, Nghũlũ Jawiza kũ Banhũ Bose ©2000
Imetumika kwa kibali cha
Chama cha *Biblia Tanzania*
P.O. Box 175, Dodoma, Tanzania

Nyimbo zimetolewa kutoka
Mimbo (Kisukuma)
Imetumika kwa kibali cha
Inland Publishers
Haki zote zimehifadhiwa ©1987

© Wycliffe Inc. 2011
Kimechapwa na
Elimu ya Kikristo AICT
Mwanza, Tanzania
Oktoba 2011